

BOSNA I HERCEGOVINA
FEDERACIJA BOSNE I HERCEGOVINE
GRAD ZENICA
Služba za privredu i finansije

Na osnovu Informacije o stanju u oblasti poljoprivrede u 2016. godini i Programa mjera za unapređenje poljoprivrede u 2017.godini na području Grada Zenica i Uputstva o korištenju sredstava za unapređenje poljoprivrede u 2017.godini na području Grada Zenica Služba za privredu i finansije objavljuje

JAVNI POZIV

za podnošenje zahtjeva za odobravanje i dodjelu podsticajnih sredstava za refundaciju troškova po osnovu obaveznih doprinosa (PIO, zdravstveno osiguranje i osiguranje od nezaposlenosti) za registrovane srodne djelatnosti-obrt u poljoprivredi kojima je to osnovna djelatnost

Pozivaju se poljoprivredni proizvođači sa područja Grada Zenice koji su registrovali djelatnost u poljoprivredi (osnovna djelatnost) u 2016. i 2017.godini da podnesu zahtjeve za odobravanje i dodjelu podsticajnih sredstava za refundaciju troškova po osnovu obaveznih doprinosa (PIO, zdravstveno osiguranje i osiguranje od nezaposlenosti).

Podnosioci zahtjeva moraju biti upisani u Registar poljoprivrednih gazdinstava i Registar klijenata kao nosioci i posjedovati minimalno jednu od dole navedenih vrsta životinja ili se bave jednom od dole navedenih proizvodnji.

- minimalno 2 muzne krave,
- minimalno 5 grla tovnih junadi,
- minimalno 50 ovaca,
- minimalno 25 koza,
- minimalno 5000 tovnih pilića,
- minimalno 1000 koka nosilica
- minimalno 5 rasplodnih krmača,
- minimalno 30 tovnih prasadi,
- minimalno 30 pčelinjih društava,
- minimalno 200m² plastenika ili staklenika,
- minimalno 2 dunuma pod jagodičastim voćem,
- minimalno 3 dunuma intenzivnih zasada visokostablašica (jabučasto, koštičavo i jezgrasto voće).

Služba za privredu i finansije će službeno u sistemu RPG i RK provjeriti upis u registar za podnosiocje zahtjeva, a posjedovanje propisanih minimalnih uslova će ustanoviti komisija za kontrolu podsticaja u poljoprivredi.

Pravo na refundaciju imaju podnosioci zahtjeva koji nisu korisnici Programa sa viših nivoa vlasti namjenjenih za refundaciju troškova obaveznih doprinosa.

Ovaj podsticaj će biti realizovan u naredne tri godine i to na sljedeći način:

- Licima koja su registrovala djelatnost u 2016. godini Grad Zenica će refundirati 50% obaveznih doprinosa uplaćenih u 2017.godini

- Licima koja su registrovala djelatnost u 2017. godini Grad Zenica će refundirati gore navedene troškove za 2017.godinu u iznosu od 100%, za 2018.godinu u iznosu od 50%, a za 2019. godinu u iznosu od 25%.

Grad Zenica će sa korisnicima podsticaja potpisati Ugovor u kojem će biti definisana međusobna prava i obaveze.

Potrebna dokumentacija za ostvarivanje podsticaja:

- Zahtjev za ostvarivanje prava na podsticaj
- Ovjerena kopija Rješenja o registraciji djelatnosti-poljoprivreda (osnovna djelatnost)
- Uvjerenje o uplaćenim doprinosima od nadležne Porezne ispostave (original ili ovjerena kopija)
- Ovjerena izjava podnosioca zahtjeva da će nakon potpisivanja Ugovora registrovanu djelatnost održavati u trajanju od najmanje 36 mjeseci za one koji su registrovali djelatnost u 2017. godini, a za one koju su registrovali djelatnost u 2016.godini da će istu održavati do kraja 2018.godine
- Obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku-Kantonalni ured Zenica
- Potvrda o otvorenom aktivnom računu

Rok za podnošenje zahtjeva je 20.12.2017.godine.

Zainteresovani mogu preuzeti obrazac zahtjeva i izjave na info pultu Grada Zenica, te uz neophodnu dokumentaciju istu predati na Protokol do navedenog roka.

Nepotpuni i neblagovremeni zahtjevi se neće uzeti u razmatranje.

Korisnik ovih podsticajnih sredstava ne može biti i korisnik podsticajnih sredstava za proširenje proizvodnje u oblasti poljoprivrede Grada Zenica.